

重錄總校官侍郎臣陳以勤

學士臣王夫

分校官編修臣孫欽

書寫儒士臣章

國監生臣林氏

臣唐虞

永樂大典卷之二萬二百五

二質

畢

畢仲衍

宋史列傳

畢仲衍字夷仲以蔭為陽翟主簿張昇縣人

也方鎮許請於朝欲與卿校既具材計工又聽民自以其

力輸助邑子馬宏以口舌橫閭里謾謂諸豪曰張公興學而縣令乃因以

取諸民由十百而至千萬未已也君將不堪誠指百金予我我能止復豪

信其能予百金宏即詣府宣言縣吏盡私為學之費又將賦於民昇果疑

焉致縣且止又揭其事於道令欲上疏辯仲衍曰主益也正如取宏治之

不辯自直矣會攝縣事即逮捕驗治五日得其奸言于昇派宏鄧州一縣

相賀給事中張問居里中謂仲衍曰誘云鉅一惠長十善君子謂也舉進

士中第調沈丘令歐陽修呂公著薦之入司農為主簿升丞其充引為中

書檢正奉使契丹宴射連破的衆驚異之且傳其姿容密使人取其衣為

度製服以賜時預其元會盡能記其朝儀節奏圖畫歸獻後錢勰出使契丹

主猶問畢少卿何官今安在王珪與充不相能以仲衍為充所用數求

罪過欲傷之。卒無可乘。但留滯不遣。經四年。乃以秘閣校理同知太常禮院。為官制局檢討。官制文字十萬計。區別分類。損益刪補。皆曲盡其當。凡從中問其事。必須伸衍然後報。他人不知也。撰中書備對三十卷。士大夫家爭傳其書。高麗使入貢。詔館之上元夕與使者宴東闕下。作詩誦聖德。神宗次韻賜焉。當時以為寵。官制行。帝自擢起居郎。王珪留除命。謂為太峻。爭於前帝。連稱曰。是當得爾。未幾暴得疾。一夕卒。年四十三。帝遣中使唁其家。賻錢五十萬。畢西臺先生集起居郎畢公夷仲行狀。昔文王之高。封於畢。以國為氏。後漢兗州別駕譙居東平。畢氏始為東平人。而譙之五代孫曰衆慶。為宋大中正。衆慶之五世孫曰傑。仕唐至司衛少卿。許州刺史。傑生構。與搆構為戶部尚書。謚景公。搆為豐王府司馬。搆之曾孫懿宗朝為宰相。而構之五代孫。積為振武天德營田判官。積之五代孫諱士安。仕本朝相。真宗皇帝贈太師。中書令兼尚書令。謚文簡。即君之曾孫也。文簡之子諱世長。為衛尉卿。年九十與故相杜衍兵部侍郎王藻。郎中馮平。朱貫居。所謂南京五老是也。衛尉之子諱從古。為駕部郎中。以衛尉老不敢專仕官。便衛尉即仕。弗便衛尉即去。至或十五年不終一任。贈正議大夫。正議生君。字夷仲。以衛尉恩補太廟齋郎。調許州陽翟縣主簿。而

故相張昇陽翟人也。由樞密使出判許州。欲固馬陽翟興學。既請於朝。乃教縣計工具材。縣人欲以其刀輸者從之。而故太子中舍馬某之子宏嘗待吏短長。居邑中橫甚。謂諸豪曰。丞相之為縣學。非今也。今予以刀輸之。不足則又將使子輸矣。由十百而至千萬。未可知也。子如以百金使我。我為君費。使丞相自止之。諸豪信其能。固以百金遺宏。宏得金。得游許州。宣言丞相之為學甚善。而民力之輸官者。縣吏皆私之。而又將賦於民。丞相果疑之。即復教縣須後。令具言。縣吏無狀。榜於道上。是時君代。今部夫居外。弗預學者。及歸。今不知所為。謂君曰。吾欲上府。辭於丞相如何。君曰。無益也。不如取宏治之。則不辭而自明。會令之汝州錄問。君攝縣事。即使人逮捕宏。案驗且得其姦利。五日獄成。因上府白丞相。丞相皆如君請。奏其事於朝。不以父蔭。杖宏流鄧州。宏素為鄉里所患。苦常輕視縣官。而君年纔二十餘。宏尤少之。嘗舉其手而出。幼指曰。縣官於我猶是也。及為君捕繫。猶曰無害。恃其能。數以詞辯自解。而竟抵罪。陽翟人大喜。是時改給事中張問居陽翟。謂君曰。鄙語曰。錙一惡。長十善。君之事。建成之事也。舉進士。就錫慶院為第一。遂中進士第。補潁州沈丘縣令。而故少師歐陽修以觀文殿學士知蔡州。故太師中國公呂公著以翰林侍讀學士知潁州。皆知君。交

史薦之。連著作佐郎。知蔡州。遂平縣事。未至。改蔡書大明府節度判官廳公事。入為司農寺主簿。遷丞。以事至中書。而丞相吳克素不識君。一見大喜。即以君為中書刑房檢正官。俄遷戶房。先是提舉市易司。歲權民糯米為贏。凡商賈之至者。官盡推買之。品益其價以售酒戶。酒戶售米多陳且貴。酤益不行。遂發其坊。而三司歲課大耗。唯市易得私其贏。以為功。戶房欲弛其禁。而提舉市易司弗使。數與戶房論難不決。其人方用事甚寵。會遷戶房。人為君憂之。君取紙半尺許。疏問市易未權糯米之前。京師酒戶為坊者幾何。歲傳幾何。已權之後。京師酒戶為坊者幾何。歲傳幾何。蓋未權之前。酒戶為坊者多而傳者少。既權之後。酒戶為坊者少而傳者多。利害明甚。市易使為戶房。以言語迭復相語。及得所疏問。無他一詞。遂不知所答。卒服非是。而罷權事。改太常丞。充北朝賀正旦國信使。與虜人習射。一發中的。以為偶然。再發又中。虜人以為神。而君天資白晳。髭眉如畫。辭令溫雅。虜人喜之。其主陰使人取君衣以為度。制服以賜君。君預其元會。盡記其儀。與登降節。奏歸為國。以進。賜五品服。其後數年。今龍圖閣待制錢勰使虜。而虜人猶問曰。華少卿何官。安在。是時。故岐公王珪與吳正憲在中書議論不合。以君正憲之所用。遂深嫉君。數求罪過。欲中傷之。而為

人詳慎精密。卒無纖芥可乘。然亦四年不遷。及置局定官制。遂以君為檢討官。君乞罷。戶房檢正事。即除秘閣校理。同知太常禮院。君在官制所。須戶部事也。戶部文書千萬計。君區別分類。損益刪補。曲當雖戶部老郎吏不能窺也。官制之事。遂以君為主。凡從中問某事。必須君然後報。他人不知也。嘗以君為進士發解考官。上問官制事不知。或曰。畢某為考官。故不知。上即詔君罷考事。還局。上遂以官制專屬任君。雖他局事。時時兼付君矣。人多嫉之者。久之。高麗入貢。上自選君館伴高麗使人。上元觀燈。君與使人宴東闕下。因作詩道盛德。上見。頗同君韻。和而賜焉。諸公畢和。當時以為寵。及官制行。君以秘閣校理換遷朝奉郎。上又自除君起居郎。兼詳定官制。是時吳正憲已薨。他宰相素不右君。即留除命不使受。而爭於上前。曰。畢某以秘閣校理換遷官。而又為起居郎。起居郎即修起居注也。前日修注者。未嘗不帶職。即是畢某以職換遷一官。復帶職。而又為修注也。優甚。上知君不為宰相所右。因笑曰。是當得耳。是當得耳。君以力辭。而後授命。蓋官制起於後周。備於隋唐。其後益起兵興。漸失其序。更歷五代。至本朝。純以他官兼領。無復舊制。先帝慨然欲加釐正。而文書浩繁。沿革制度。未幾。命有知者。唯君討論。次以夜繼日。批別搜補。曲盡其當。及推行

羣有司以疑問於君者。日以百數。君指畫應對。人人得以所問而去。官制遂定。而君亦勞矣。會大暑。君坐宣徽院。與他官論錄黃。語未竟。疾作。久之。殆不知人。上聞驚。即詔君肩輿歸私第。遣侍醫治療。是夕卒。年四十三。上悼惜久之。翌日遣中使劉援。撫問其家。賜錢五十萬。遺恩當補子一人為官。而宰相猶以平昔芥蒂。不肯行者五年。及司馬文正入朝。舊相或死。或罷去。始得補其子完太廟齋郎。則君之進退可知矣。君為人溫厚儒雅。事其母壽昌太君至孝。自幼寢處不離其親側。及長。既娶。亦稱至其私室。寢處猶在親側。蓋終身焉。正議公捐館。君纔年十八九。家餘一馬。貴以為柩殯。君徒手養親。教養諸弟妹。嫁娶仕宦不失時。而君亦自不廢學。蓋治家之管仲也。當景德中。文簡公以德行相。真宗皇帝人想見其風采。而君略似之。治隆殿成。繪文簡公像於其壁。先帝識焉。及臨軒策進士。君方為檢正官。立廷下。先帝望見。使人問君為誰。及知因歎曰。祖宗固有相類如是者乎。及君在官。制侍遇日厚。如定學制。依法為北朝信使。鉅伴高麗使人。皆先帝自選者。嘗授詔撰中書備對三十卷。天下之事。盡在其中。及奏篇先帝嘆息稱善。而今士大夫家爭相傳錄。以為不可無之書也。娶張氏。故職方郎中公度之子。封瑞昌縣君。子二人。曰完太廟齋郎白案尚幼。女二。

人長適承務郎蘇如晦。次在室將以元祐五年七月。薨於鄭州管城縣盧村南原。文簡公之墓次。君之事應銘。故敢書其大略以告銘者。

畢仲游

家齊傳。仲游字公叔。與仲衍同登第。調壽丘縣城主簿。羅山令。環慶轉運司幹辦公事。高遵裕西征。運期迫遽。

陝西八十縣餽稅之夫三十萬。一旦悉集。轉運使范純。料李察度。災其賦而給之食。必贖日乃可。會僚屬議。皆不知所為。以諉仲游。仲游集諸縣吏。

令先劾金帛緡錢之最戒。勿啓偏鑄。共簿其名數。以爲質。預飭其斛量數千。洞撤倉庾牆壁。使羸僮者至其所。人自斟槩。輸其半。而以半自給。不終

朝霍然而散。期日。大軍遂行。純料察歎且謝曰。非君幾敗吾事。元祐初。爲軍器衛尉丞。召試學士院。同策問者九人。乃黃庭堅。張耒。晁補之輩。蘇軾

異其文。擢爲第一。加集賢校理。開封府推官。出提點河東路刑獄。轉鎮以故相在太原。按視如列郡。鎮奴告有卒。剽其衣於公堂之側。鎮怒。將寘卒

於理。仲游曰。奴衣服尠薄。而敢掠之於帥牙。非人情也。取以付獄治。卒得免。太原銅器名天下。獨不市一物。懼人以爲矯也。且行。買二茶已而去。鎮

曰。如公叔可謂真清矣。召拜職方司。勲二負外郎。改秘閣校理。知耀州。是歲大旱。仲游先民之未飢。揭諭境內曰。郡振施與平糶。若千萬碩。實虛張

其數富室知有備。亦相勸發廩。凡民就食者七十萬九千口。無一人去其鄉。徽宗時。歷知鄭鄆二州。京南淮南轉運副使。入為吏部郎中。言孔子廟自顏回以降。皆爵命於朝。冠冕居正。而子鯉孫伋乃野服幅巾以祭。為不稱詔。皆遣使之。仲游早受知於司馬光呂公著。不及用。范純仁尤知之。當國時。又適居母喪。故未嘗得尺寸進。然亦墮黨籍。坎壈散秩而終。年七十五。仲游為文。切於事理。而有根柢。不為浮誇詭誕戲弄不莊之語。蘇軾在館閣。頗以言語文章規切時政。仲游憂其及禍。貽書戒之曰。孟軻不得已而後辯。孔子欲無言。古人所以精謀極慮。固切業而養壽命者。未嘗不出乎此。君自立朝以來。禍福利害繫身者未嘗言。顧直惜其言爾。夫言語之累。不特出口者為言。其形于詩歌贊于賦頌。託于碑銘。著于序記者。亦語言也。今知畏於口而未畏於文。是其所是。則見是者喜。非其所非。則蒙非者怨。喜者未能濟君之謀。而怨者或已敗君之事矣。天下論君之文。如孫臏之用兵。扁鵲之醫疾。固所指名者矣。雖無是非之言。猶有是非之疑。又況其有耶。官非諫臣。職非御史。而非是人所未是。危身觸諱。以游其間。殆猶抱石而拯溺也。司馬光為政。反王安石所為。仲游予之書曰。昔安石以興作之說動先帝。而患財之不足也。故凡政之可以得民財者無不用。蓋

散青苗。置市易。餼役錢。變鹽法者事也。而欲興作患不足者情也。苟未能杜其興作之情。而使欲禁其散。欲變置之事。是以百說而百不行。今遂廢青苗。罷市易。蠲役錢。去鹽法。凡號為利而傷民者。一掃而更之。則向來用事於新法者。必不喜矣。不喜之人。必不但曰。青苗不可廢。市易不可罷。役錢不可蠲。鹽法不可去。必操不足之情。言不足之事。以動上意。雖致石人而使聽之。猶將動也。如是則廢者可復。散罷者可復置。蠲者可復餼。去者可復存矣。則不足之情。可不預治哉。為今之策。當大舉天下之計。深明出入之數。以諸路所積之錢。粟。一掃地。官使經費。可支二十年之用。數年之間。又將十倍於今日。使天子曉然知天下之餘於財也。則不足之論。不得陳於前。然後所論新法者。始可永罷。而不可行矣。昔安石之居位也。中外莫非其人。故其法能行。今欲掾前日之敝。而左石侍職司使者。十有七八皆安石之徒。雖起二三舊臣。用六七君子。然累百之中。存其十數。烏在其勢之可為也。勢未可為。而欲為之。則青苗雖廢。將復散。況未廢乎。市易雖罷。且復置。況未罷乎。役錢鹽法。亦莫不然。以此掾前日之敝。如人久病而少間。其父子兄弟。喜見顏色。而未敢賀者。以其病之猶在也。光軾得書。聳然竟如其慮。仲愈歷國子監丞。諸王府侍講。知鳳翔府。坐兄仲游陷黨。籍

例廢黜徽宗曰。畢仲衍被遇先帝。可除罪籍。以仲愈為都官郎中。權秘書少監卒。西水陳祐撰西臺畢仲游墓誌銘并序。公諱仲游。字公叔。其先代郡人。後徙鄭之管城。維畢氏世序綿遠。代有顯人。至公之曾大父文簡公。以清德雅望。膺真宗皇帝。致天下於太平。勲在王室。書于史官。議于太常。與李文靖公。王文正公同朝。俱號賢宰相。天下至今思焉。大父諱世長。故任衛尉卿。贈尚書工部侍郎。考諱從古。尚書駕部郎中。贈金紫。光祿大夫。皆以德業世其家。公始以父任補太廟齋郎。少孤力學。以求自致。與兄仲衍俱試南廟。中高等。遂俱登進士第。聲名籍甚。調壽州霍丘主簿。南京拓城主簿。權京都提刑司檢法官。移信陽軍羅山令。改宣德郎。知河南府長水縣。辟環慶路轉運司屬官。以軍功轉奉議郎。又遷承議郎。可監在京授米第。八界哲宗登極。恩遷朝奉郎。除軍器監丞。改衛尉寺丞。居試學士院。除集賢校理。權太常博士。出為河北西路提點刑獄公事。除除開封府推官。賜五品服。以太夫人疾。請罷府官。判登聞鼓院。丁內艱。服除。提點河東路刑獄。召還為尚書職方員外郎。奏對稱上旨。遷司勳員外郎。權禮部郎中。出為秦鳳路提點刑獄。又移永興軍路。改秘閣校理。知號州。未行。改雄州。坐黨與。落秘閣校理。調知閬州。令上踐昨恩。遷朝散郎。提點利州路。

刑獄改知鄭州。遷京東計度轉運副使。權知鄆州。除尚書吏部郎中。居對
崇政殿。久之。為淮南路轉運副使。置元祐籍。知海州。改管江寧府。崇禧觀
降監西京嵩山中。獄願已。而出籍管勾崇禧宮。用八寶恩。遷朝請郎。轉朝奉
大夫。得請再仕。還朝。散大夫。賜服三品。管勾西京留司御史臺。提舉南京
鴻慶宮。遂請致仕。宣和三年七月二十八日。以疾卒于西京。享年七十五。
始司馬溫公呂申公。最為知公。皆不及用公而薨。范丞相平生期公。可大
用。比登庸。公持太夫人喪歸鄭。服除。范公已出牧。故公於元祐間。不極其
用。又不當言路於國之大政。無所預。公於文章。升堂觀奧。風格同漢魏。為
古文奇而法。序事簡而悉。詩篇適壯。賤表麗密。雖片言隻字。皆有根蒂。而
切於事理。不為浮誇詭誕。與夫戲弄不莊之文。行於鄉里。必可施之廊廟。
用之當世。必可垂法將來。雖古作者。不能過也。議論引據古今。出入經傳。
百家。折衷歷代。之公襲。不為嘗試之說。一槩之論。凡所建述。必可博利天
下。稽考後世。雖前輩鴻博談洽之士。無不仰公之奇論也。公嘗謁見歐陽
文忠公。潁州。公奇其才。使子弟來謁。少師張文定公亦以為才。褒薦公甚
美。哲宗皇帝即位。召天下文學之士九人策試。乃就文館翰林學士蘇公
子瞻覽公文。驚異。擢公為一。自黃庭堅張耒晁補之之徒。皆居下列。由是

天下想聞公之風采。蘇公則表公自代。謂公學貫經史。才通世務。文章精麗。議論有餘。主上由是知公矣。范丞相之作大皇太后哀冊文。公實代焉。攝太尉。蘇公子由跪請之。歸以告其兄。內相曰。不意公叔文章一至於此。內相曰。豈惟品藻。抑又實錄矣。丞相蘇公子容。號為博學。通知古今。每以公為直諫多聞之益友。公之在太常也。會大皇太后將受寶冊。宰相申公召公。及禮部侍郎郎中。賁外郎。太常卿。丞博士。主政事堂。諭告。且訂其論。公心知宰相欲遵用章獻明肅皇后故事受冊文德殿也。堂吏持其目示座人。次至公。果然。公曰。願與同列更議。宰相曰。此先帝遺制。且故事也。奈何。是時群禮官。無一人敢置議者。公懼其事遽上。即抗聲白曰。外朝者天子之明堂。非母后所宜居之。今於此受冊。遂將垂簾聽政。一失其位。無以示萬世。且先帝遺制。豈不曰舊章闕失。更在討論耶。宰相默喻其意。群禮官猶守舊不變。公退獨表請正之。宰相以聞。大皇太后乃下詔曰。以吾不德。豈可以充入舊貫之居。其受冊官中而已。於是搢紳大夫。皆懷然偉公之建明。有詔詳定皇太妃儀制。當是時。朝臣希世銳進者。則欲卑其禮。以避東朝之尊。求寵於歸政之後者。則欲極尊崇。以盡天子之孝。而公獨不然。援引經傳。及先代典禮。務稽古。不為偏私。以遷就其說。於是搢紳大夫。

又服公之純正。會朝廷方重外。而有文學者。必試以吏事。故遣公使河北。改佐開封。已而復刺諸路。又屢典藩。故公居外之日多。其宣力四方。果勤。公為政。則明有斷。而應平遇變。從容詳悉。雖文樂山積獄。糾紛而下。車載剗。劃然一空。其在軍旅。星駟交馳。輻湊羽書。重跡狎至。而排難解紛。候無留蹟。其從大帥高遵裕討西夏。號令期日。皆從中出。嚴甚。無敢違者。前軍行三日。衆縣之。夫畢。至以餽軍者。乃三十萬。一旦暴集。有司度受其賦。而給之糧。必曠日持久。乃可自計。臺諸公。及僚屬相對惶惑。不知所為。計未有以處。公獨曰。此甚易耳。轉運使范公純粹。及李察曰。願以此誨公。惟公圖之。公乃召八十縣官吏。與其州倅至前。悉受所賦金銀錢帛。令無啓緘。滕局鑄。召群吏。簿其要。一以付衆。今使為質。以備計藉。而以其副質。有司群吏。筆不停綴。俄頃賦畢集。拉衆縣官吏之半。行詣所次。驗遣之。衆皆曰。善。公則已飭有司。具畚鍤鑄。及斗斛。以數千矣。衆駭曰。將焉用之。公輒下令。盡撤去倉廩之墻壁。乃徇其衆。令促詣群。度人自料。粟六斗。持其半自給。拔其半供軍。易秣傳馬。於是數十萬之夫。聽至雲合。騎卒鳥散。已而使視。群度空無遺粒。度吏初尚爭之。公曰。必無少取。以就贏。多持以自困也。翌日。大軍遂行。范公及李察諸察吏。皆歎伏。且謝曰。非公。幾敗乃。

事軍既行而陝州夏縣夫爭遁去諸公曰他縣相視盡逃奈何公請身往救之至則尚有存者而縣令已將自剄公遽止之翁以無怨又慰勉其留者而走白諸公請令使追逃者他縣乃止穰州大旱野無青草公謂郡縣拯濟多後時力愈勞而民不救故先民之未饑也多揭榜示之曰郡將賑施且平糶若干萬石實大張其數勸翁以無出境民歡然皆按堵已而果漸艱食乃出粟以賑且平糶以給之視隣境之民流散殆盡而穰民之當徙就食者乃十七萬九千口顧所發粟不及萬石以民粟糶之而給人足無一人逃者監司乃致搜於長安得二人焉曰此穰之流民也送還郡公驗問皆中民之逐利者所責持自厚非流民也監司乃沮有故吏以譴逐輒詣闕下唱言公救災傾困倒屣軍無見擢朝廷聞之遣使按視公上官自劾且願赦屬縣朝廷察其誣也而公治行益顯公為監司所至一路老姦宿賊皆怖駭曰軍公至矣及事叢至公一寓目必曰某事有弊某人有所欺若鑒見而繩度者其在京東行郡至曹南公一視其牘曰吏狙故態邪是欲嘗試我也召吏會之果得蔽粟十萬石公曰非州縣吏與吾計吏交通不及此其漸益長調度縱橫將不勝其弊吏又當參秋上半年歲和糶數公不應穰州縣悉具出入多寡道里遠近盈虧登降之數聚焉圖式歲

省和釋百萬石。淮南歲計常窘。公至。乃更優裕。有老吏白。公前負發運司
餽直三十六萬緡。有詔期三年平償。今三年矣。且得罪。公曰。烏有是哉。吏
以此迫公甚急。公則發某籍視之。乃往三十年以前。計司兼主漕鹽。故有
愆直。後移之矣。其目尚存不去也。老吏非不知。第以此劇上。公遂得其實。
胥叩頭伏罪。以公為神明。雖同列號為強明精練者。皆驚焉。公為政未
嘗撓於大吏。錢內相聽。故嘗薦公。後辟公京東憲司屬官。及尹開封。公通
為其佐。事有悖戾。必力爭不置。有殺人者。吏受賕。讞用犯時。不知給君賴
公辯正。錢公尹京。吏不得欺。且赫赫顯名者。多公所救正也。相知益深。韓
丞相王汝。以故元宰牧太原。公按視等列郡。韓公家奴朝重。自陳有辛刺
劫其衣服黃堂之側。韓公怒。下卒吏。將黥配之。公曰。小童衣服。勤薄。而刺
劫於大帥。故相宇下。非人情。易吏治之。有卒母自言八十餘矣。所恃唯一
子。而丞相遣戍河外。公命召還。其小者如此。大郎可知。河東吏益畏恐。而
韓丞相獨善益厚。公比鎮潁昌。以書抵公洛中曰。我思公不忘。願公一來
臨。我欲與公徙容。公之威名。動四方。然所至。未嘗發謫官吏。取胥吏。善楚
幾廢不用。他人學者。終莫能及。罪之故俗。喜群聚譏抵大吏。二經品目。輒
傳笑四方。先帝患之。諭守臣使禁止。而牧守踵至。搜挾治之。終不戢。乃益

肆。公至獨晏然處之。勸善獎義。人之人人自重。恥為不長厚也。其曹長乃
 朱獻頌德詩五百言。且修誓見禮。自公以來。野風大格矣。公還朝。因面對
 論孔子廟。自顏淵以降。皆壽命於朝。胥法服冠冕。以居位。而經承訓詩禮。
 假以聖道傳孟軻。非不肖也。今皆野服幅巾。以登號。號二代三代者。未有壽
 命。上嘉納之。封經泗水侯。沂水侯。太原銅器精巧名天下。更多稠載。以
 歸。公獨不帶一物。懼人之謂矯也。市二茶匕而去。韓丞相曰。如公叔。可謂
 真清者。公篤於孝悌。居天性。將非勉強者。太夫人丞相文忠公之孫。莊重謹
 嚴。先帝嘗聞其風。公事親孝謹。莫逆其意。公侍食於太夫人。視太夫人食
 之多寡。而食不敢過。還不敢更食於私室。公之兄起居。有孤完未倍。太夫
 人念之。公為謝四方辟請。獨為倉官。居京五年。置醢以論。且言於公卿
 萬方。必官兄之孤。以慰母心。乃已。公有女將嫁。會兄之女至。奪女資以嫁
 焉。為府官。俸尚薄。兄弟群從百口。至鬻衣質。以給。後官登聞。俸益薄。群
 從益衆。比待喪歸鄉。費用乏絕。然猶舉遠近喪數十從葬。故瑩無遺者。皆
 稱貸鬻田以致之。自小官以半俸給親族。終其身。公平生不自言有司求
 增秩者三十年。晚仍上一官。請封老婦。朝廷嘉之。封其婦蓬萊縣君。先正
 文簡公。葬且百年。神道碑未立。追公建焉。此皆人之所難能者。而度量恢